

INUIT ATAQATIGIIT

INATSISARTUNI



UKA 2021/ 45

21.10.2021

Mikivsuk Thomassen

Uunga tunngasoq:

**Meeqqat inuusuttuaqqallu angerlarsimaffiup avataanut
inissinneqartartut ikilisinniarlugit ilaqtariinnut iluaqutaasumik
siusissukkut iliuuseqartarnnissamik Naalakkersuisut
pilersaarusoqqullugit peqquneqarnissannik Inatsisartut
aalajangiiffigisassaattut siunnersuut. Pilersaarusiaq juli 2022
naatinnagu tamanut saqqummiunneqassaaq.**

(Inatsisartunut ilaasortaq Jess Svane, Siumut)

Siullertut qujavugut saqqummiisumut, Inuit Ataqatigiinniit imaattumik oqaaseqassaagut.

Meeqqat inuusuttuaqqallu angerlarsimaffiup avataanut inissinneqannginnissaat tamatta kissaatigilluinnarparput, tamannalu qanoq iliuuseqarfingineqarnissaa ukiorpassuarni ukkatarrineqarpoq, naak inatsisit meeqqanut inuusuttuaqqanut ilaqtariinnullu sakkussagut arlaqaraluartut.

Unali eqqaarusuppara meeqqanik inuusuttuaqqallu angerlarsimaffiup avataanut inissiinnginnermi pingaaruteqarluinnarmat, ilaqtariit ataatsimut sullinneqarnissaat siullertut isigissagatsigu, soorunami ilaatigut allartut ajornartumik angerlarsimaffiup avataanut inissiisariaqartarneq pisarmat.

Kommunilli suleriaaseqarnerat ilaatigut qiviarsinnaavakka, angerlarsimaffiup avataanut inissiinnginnerminni annertuumik suliaqartarmata, ilaqtariit ataatsimut sullinneqarnissaat anguniarlugu sulissutigalugu taakkuuppullu pitsaasumik sinaakkuseeqatigineqartussat inuttaasunut toqqaannartumik sullissinerat tunngavigalugu.

INUIT ATAQATIGIIT

INATSISARTUNI



Angerlarsimaffiup avataanut inissiinnginnerni siusissukkut iliuuseqartarnissanut suleqataanissamut tunuarsimaannginnatta, tassami pingaaruteqarluinnarmat angerlarsimaffiup avataanut inissiinnginnermi, siullertut ilaqtariit ataatsimut sullinneqartarnissaat, aammali eqqaamassavarput sulisoqarnikkut malinnaatsitinissarput avaqqunneqarsinnaanngimmat.

Siunnersuullu isumaqatigigatsigu imarisatigut oqaatigissavarput pitsaasumilli suliarineqarnissaa kissaatigigaarput.

Kaammatuutigalugulu Naalakkersuisoqarfiiit susassaqartut suleqatigineqarnissaat pitsaarsumik sulia ingerlaqqullugu.

Taamatut oqaaseqarluta Inuit Ataqatigiinniit Naalakkersuisut siunnersuutaat taperserlugu ataatsimiitaliamut susassaqartumut ingerlateqqipparput.